

亦云但守火爻三百刻產成一顆夜明珠是也伏炁者如古人所言長生須伏氣也四時者四正之時又順四季之時故參同契云順時須謹節是也靜定者是火候至微妙處此一句答運火鍊丹之問

七日天心陽復來

百日關初下工時只有微小陽炁來復及百日之工用足則築基已成金丹乃採之于七日之間則陽炁滿足之大藥隨採而至此正陽炁來復也若于此陽不來復卽是藥不真不合當採之時火不真不合周天之當行當住此句答運火之問

道藏輯要

仙佛合宗語錄

七

畢集一
川人三

五龍捧上崑崙頂

既煉成丹得大藥則用五龍之仙機捧過三關上頂轉降而服食之也此答得丹服食也

黃庭十月產靈童駕鶴龍霄任遊騁

服丹後而服二炁于黃庭養胎十月而成神神全而產陽神之靈童出殼超凡駕鶴上昇玉京金闕無不可遊之處正是通天徹地知古今知來者之能事成矣

五問曰世人學道各立一門戶有言必調息者執呼吸而不已障於道而無所成

此是不知從有入無者

有言不必調息者縱呼吸而不顧背於道而無所事

此是不知從無入有者一無所修則與凡夫原來不別上文執者與佛說事障與法縛者同下文縱者與佛祖所說無記空同

我屢習爲不唯無功而且有大害始知彼凡夫外道偏執斷見常見擬議作知見者耳未審必當如何是天仙大道之調息答曰調息之義難言也

難言者難以一言而盡徹始徹終也凡對初機之言必由于粗而淺以漸進悟既悟粗淺明了而後可言精深真修實悟學者未有不悟淺入深悟粗入妙者

道藏輯要

仙佛合宗語錄

六

畢集一
川上八

汝自悟來而後可言曰參悟到不知旨處故詳問之答曰調息者初機小周天火候之用本具有進火退符沐浴溫養之義也一呼一吸故爲息

仙家謂之太極之○也佛并諸祖謂之圓相之○也
不呼不吸亦爲息

仙真謂之太極中無極之、也佛并諸祖禪謂之圓相中之、也所以有水牯牛之喻

當呼吸之息心與息不相依則不調

是神不能馭炁也神炁不曾配合而相離矣間隔不調唯交併則調黃庭經註云出爲呼氣入爲吸氣呼吸之間心當存

之又佛言隨順是隨息而順其自然之妙也皆言心息要相依若相依而強制執著呼吸而不隨順自然則亦不調心息依矣蕩然漫行而不由真息之道則不調

心息相依時行則同行住則同住行所當行之路住所當住之處無不是相依方可曰調真息道者卽黃赤二道也神炁同行必由之道若能由此道採取而能得炁烹鍊而能成丹胎息而能沖和大定不能由此則不能得炁成丹而定神也古仙所謂行之不精是也

門人間丹陽真人弟子行道數年道眼不明是何故真人曰行之不精

道藏輯要

仙佛合宗語錄

九

畢集一
川文一

能由真息之道矣行之太速則近蕩而不調

行貴速而忌太速恐太速之似浮而不就息道若淨而不就路者則神氣皆似散漫而不凝聚心息雖依而不成相依之功

行之緩則滯有相之呼吸氣而必成大病

緩則神氣滯而不行或欲行而不見有神氣之行或欲行必資於呼吸有相之氣然呼吸全不宜執著者呼吸之氣一著便起邪火而爲疾病

古所謂非煉呼吸之氣是也亦不調華嚴經云爲踐如來所行之道不遲不速審諦經行是也又問曰必如何而後可言調答

日速而不蕩緩而不滯

純陽真人云繞電奔雲飛日月驅龍走虎出乾坤

自然能由真息之道者是

俞玉吾云火候之進退不可毫髮差殊然後九轉之間可保無咎

不見其有謂之勿助

真息似有而不有若見爲有息則助長邪見

不見其無謂之勿忘

真息本無而似不無若起見無息則不成真息

非有非無非見非不見

道藏輯要

仙佛合宗語錄

子

畢集一

見有見無皆是偏見卽是斷見常見皆有害於真息故皆非合乎自然合乎大道

見有見無固是邪見執著偏著不見有無亦是用意執著而不免有偏執之爲害何以成丹而得大藥必合乎自然者而後可同大道

此有一呼一吸者不得不如是也

若不如是則火候差失不合天機必不成丹而證道

又問曰不呼不吸之息如何答曰更有自然之妙在焉

馬丹陽真人曰調息者不得著于口鼻調是作用息是自然定息

非強閉氣也

劉海蟾云莫將閉炁爲真炁數息按圖俱未是是也

閉極則失於急而不調

閉炁是外道邪術之強制閉必至於極也而非自然真息之能無極故不調

禪家云轉得身吐得氣亦似此意而後可稱爲禪那拄杖子

禪者靜也那者息也言靜定之息也拄杖子亦言息也人手執拄杖相依而行路喻人修佛心必依息而后能離塵離境解脫而見性欲大修行心不依息而禪定則止於外道凡夫口頭禪而已

道藏輯要

仙佛合宗語錄

三

畢集一
川八

非縱氣也

劉云專氣致柔神久留往來真息自悠悠言不可縱放如凡夫上句強閉卽前所問執呼吸者此句縱氣卽前所問縱呼吸者

縱則失於無知而不調

旣縱放不照管則念不在息便似不知有息而息何得調禪家故云未到水窮山盡處且將作伴過時光亦似此意而後可能攝心寂滅又問曰如何是此大用答曰古云自有天然真火候不須柴炭及吹噓

生天得道經云心目內觀真炁所以清淨光明杳杳冥冥昏

昏默默正達無爲安靜六根淨照八識空其五蘊證妙三元
得道成真自然修度佛經所言佛理皆與此同

安 如此便是自然定靜定靜不已百尺竿頭猶進一步至於久而
安

佛言輕安是也

安者和也

佛曰法喜曰禪悅

和而能冲冲而無極冲和之理得矣

冲和理者卽入藥鏡所云先天炁後天炁得之者常似醉也

靈光集云顛倒循環似醉人 翠虛篇云骨肉融和都不

道藏輯要

仙佛合宗語錄

三

畢集一
川川

知 王重陽真人云尋自在覓逍遙漸漸歸禪定皆同此義
者

卽華嚴經所云以定伏心究竟無餘者梵網戒經亦云如如一
諦而行於無生空一切佛聖賢皆同無生空

無生至空是寂滅至極處正所謂窮空 又能窮盡空理卽無
餘涅槃亦同於仙之和而冲冲而無極者

也 然真息在內本有息之實相而若空空無息非果無息而實有
也

既曰真息則與凡息不同言真息在內則有真息之實相實
相者似空空而無息始可入定到真無息真空地位若不能

空空而逼塞不似無息而浩浩然乃是凡息而非真息也故
中和集云守似有卻如無深言真息在內之妙用也蓋真息
者是入涅槃寂滅必由之路也凡息者是墮凡夫不脫生死
輪迴之事也學者當知之此節文義皆言初習人定時之旨
不息則無相無相則實不見有也而亦若不見無也

上文言初習定雖欲無息乃習爲無而未得無故曰實有及
今不息之久而得定于無全無凡息之相既無息相則直入
無息爲大定而證聖證性地若起一見有見無之見則不可
起見則非定旨故總不見有無如此方爲得真定而後可以
還虛

道藏輯要

仙佛合宗語錄

三

巽集一
六八四

所以空而不空不空而空而猶不見空不見不空方是空而真
空卽王重陽真人所云虛空返照虛空景照出真空空不空卽
世尊之空不空如來藏者皆是

當不空之時而只知乎不空者此墮常見矣故不空而又若
空正是照而常寂也當空之時而頑然乎空者此墮斷見矣
故空而又若不空正是寂而常照也佛宗乃有分明不受燃
燈記自有靈光耀古今之說故云空不空是真如來藏予云
畢竟在寂照雙修寂照雙亡而已矣凡仙佛二宗言空言寂
言有言無皆言心息相依之定者言心性則有息在其中言
息則心在其中若非心非性則不能定息非息則不得性定

心定學者不可執文偏悟便墮空亡而無證果能悟之者仙佛合宗之旨見矣

悟得真空實性者方能調此真息息不能調終難大定

本是以心主宰而定息息不調不定卽是心性不定何以至于合道 傳大士云六年雪嶺爲何因大定調和氣與神一百刻中都一息方知大道顯三乘

人能卽此息而離此息斯可入滅盡定矣

卽息而離息是萬法歸一一無歸之說同旨滅盡者心無生滅息無出入得真大定也

咳

道藏輯要

仙佛合宗語錄

三

畢集一

警醒後學仙佛聖真之辭也

滅盡定而後能出定

未入到滅盡定而妄出仙宗謂之走丹佛宗謂之入魔皆非所謂出定而亦無神通可顯正有退墮之危險宜防慮者

神通境界向上正有還虛合道之旨在

滅盡生滅出入之定是所當出出而神能通達無障礙不爲六塵所障礙而不通此真神通方能上天入地六通十通百千萬億無所不通此證還虛合道之至極處

六問曰藥火之說紛紛不知所以信受一云神是火炁是藥以神馭炁卽以火鍊藥此言神炁二也二云火卽是藥藥卽是